

Na osnovu člana 94. stav (2) alineja f) Zakona o osnovnom odgoju i obrazovanju ("Službene novine Kantona Sarajevo" broj: 23/17, 33/17, 30/19, 34/20 i 33/21), Pedagoških standarda i općih normativa za osnovni odgoj i obrazovanje i normativa radnog prostora, opreme, nastavnih sredstava i učila po predmetima za osnovnu školu (Službene novine Kantona Sarajevo" broj: 30/18), člana 86. Pravila Javne ustanove Osnovne škole „Hašim Spahić“ Ilijaš broj: 01-566/15 od 29.06.2015. godine i člana 13. Pravilnika o unutrašnjoj organizaciji i sistematizaciji radnih mjesta Javne ustanove Osnovne škole „Hašim Spahić“ Ilijaš broj: 01-946/19 od 01.08.2019. godine, a nakon obavljenih konsultacija direktora i sindikalnog povjerenika škole, Školski odbor Javne ustanove Osnovne škole „Hašim Spahić“ Ilijaš na četrdesettrećoj (XLIII) sjednici održanoj dana 10.09.2021. godine, donosi:

P R A V I L N I K
O IZMJENAMA I DOPUNAMA PRAVILNIKA O UNUTRAŠNJOJ ORGANIZACIJI I
SISTEMATIZACIJI
RADNIH MJESTA U JU OŠ „HAŠIM SPAHIĆ“ ILIJAŠ

Član 1.

U Pravilniku o unutrašnjoj organizaciji i sistematizaciji radnih mjesta Javne ustanove Osnovne škole „Hašim Spahić“ Ilijaš, broj: 01-946/19 od 01.08.2019. godine u članu 5. odjeljak C) tačka 8. NASTAVNIK BOSANSKOG JEZIKA I KNJIŽEVNOSTI, HRVATSKOG JEZIKA I KNJIŽEVNOSTI, SRPSKOG JEZIKA I KNJIŽEVNOSTI u dijelu koji se odnosi na uslove za vršenje poslova, dodaju se i sljedeća zvanja kako slijedi:

- Profesor bosanskog jezika i književnosti
- Magistar bosanskog jezika i književnosti
- Bachelor bosanskog jezika i književnosti
- Bachelor bosanskog jezika s književnošću i historije

Član 2.

U članu 5. odjeljak C) tačka 13. NASTAVNIK HEMIJE/KEMIJE u dijelu koji se odnosi na uslove za vršenje poslova, dodaju se i sljedeća zvanja kako slijedi:

- Nastavnik kulture življenja i hemije-VI stepen stručne spreme.

Član 3.

U članu 5. odjeljak C) tačka 27. ASISTENT U ODJELJENJU/GRUPI, mijenja se dio pod stavkom Izbor i imenovanje i glasi:

„Bez javnog konkursa u prvom polugodištu školske godine na određeno vrijeme do 120 dana i u drugom polugodištu školske godine na određeno vrijeme do 150 dana“.

Član 4.

U članu 5. pod e/ POMOĆNI I TEHNIČKI RADNICI iza tačke 34. dodaje se nova tačka 35. koja glasi:

35. Nastavnik/stručni saradnik u produženom boravku

Opis poslova:

- organiziranje dnevnih obrazovnih zadataka u skladu s odgojno-obrazovnim potrebama učenika;
- pružanje stručne pomoći u učenju i savjetovanje učenika;

- organiziranje slobodnih aktivnosti učenika koji podrazumijeva vođenje slobodnih aktivnosti, upućivanje učenika na aktivnosti, kao i organizaciju rekreativnih i izvanučioničnih aktivnosti, te učešće u kulturnoj djelatnosti škole i zajednice;
- briga za pravilnu prehranu učenika;
- redovna saradnja sa roditeljima i izvještavanje o radu učenika;
- briga za uređenje i funkcioniranje radnog prostora, te izrada potrebnog didaktičkog i ostalog materijala;
- planiranje i programiranje rada produženog boravka (uspostavljenje evidencije, dnevna evidencija, evidencija saradnje sa roditeljima);
- vođenje evidencije o polaznicima produženog boravka (uspostavljanje evidencije, dnevna evidencija, evidencija saradnje sa roditeljima, evidencija o uplatama roditelja);
- organizacija roditeljskih sastanaka;
- saradnja s nastavnicima razredne nastave u redovnoj nastavi (praćenje programa rada nastavnika razredne nastave u redovnom odjeljenju sa posebnim osvrtom na ciljeve i zadatke, uspostavljanje kontrole nad dnevnim obrazovnim zadaćama i obrazovnim potrebama pojedinog učenika);
- saradnja sa stručnim saradnicima;
- stručno usavršavanje;
- izvještavanje, statističko praćenje rezultata i evaluacija rezultata rada na polugodištu i na kraju školske godine;

Opis poslova je detaljnije razrađen programom rada produženog boravka i Pedagoškim standardima i normativima za osnovnu školu.

Uslovi za vršenje poslova	- nastavnik razredne nastave, pedagog, socijalni pedagog, pedagog-psiholog - za realizaciju pojedinih segmenata/radionica iz programa rada produženog boravka mogu se angažirati predmetni nastavnici i stručni saradnici (bibliotekar, socijalni radnik)
Status izvršioca	nastavnik/stručni saradnik
Pozicija radnog mjesta:	nastavnik/stručni saradnik u produženom boravku
Izbor i imenovanje	Bez javnog konkursa u prvom polugodištu školske godine na određeno vrijeme do 120 dana i u drugom polugodištu školske godine na određeno vrijeme do 150 dana.
Broj izvršilaca	PP (prema potrebi)

Član 5.

U članu 12. stav 2. datum „01.09.2020. godine“ zamjenjuje se datumom „01.09.2021. godine“.

U članu 12. iza stava 2. dodaju se novi stavovi 3. i 4. koji glase:

„U osnovnoj školi radni odnos mogu zasnovati i lica koja su završila prvi ciklus bolonjskog visokoobrazovnog procesa do kraja 2020./2021. školske godine. Ova lica su obavezna završiti II ciklus bolonjskog visokoobrazovnog procesa u roku od četiri godine od stupanja na snagu Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17, 30/19, 34/20 i 33/21).

U osnovnoj školi radni odnos mogu zasnovati i lica koja su stekla VI stepen stručne spreme, po predbolonjskom sistemu studiranja. Ova lica su obavezna doškolovati se, u roku od tri godine, od dana donošenja programa doškolovavanja.“

Član 6.

Ovaj Pravilnik stupa na snagu danom donošenja, a primjenjuje se od 01.09.2021. godine.

Broj: 01-1221/21

Ilijaš, 10.09.2021. godine

Predsjednik Školskog odbora

Nedim Matoruga